

TUSI TAIALA

MO LE PULEA MA LE VA'AIA LELEI O I'A MA FIGOTA

O LE AFIOAGA O

SAOLUAFATA

Aperila 23. 1998

SAUNIA:

Pule mamalu a Alii ma Faipule ma tagatanuu o le Afioaga Saoluafata faatasi ai ma le lagolagosua a le Ofisa o Faigafaiva o le Matagaluega o Faatoaga ma Faigafaiva.

FAASOLOGA

1. Upu Tomua	3
2. Autu	4
3. Tulafono i Aso ua mavae : Faigafaiva-le-talafegai	4
4. Tapenaga o Ienei Tusi Taiala	4
Feiloaiga muamua	4
Feiloaiga ma vaega taitasi (Group meetings)	4
Komiti faufatua	4
5. Tulafono ma Faasalaga	4
5.1 Faasaina fanaia,ava-niu-kini ma vailaau oona	5
5.2 Faasalalauina tulafono a le afioaga	6
5.3 Faasaina upega ma tili mata ninii	6
5.4 Faasaina le lafoina o lapiasi i le sami	6
5.5 Aoina le alamea	7
5.6 Faasaina tuiga, faamoa, ma saeuga	7
5.7 Ia faasaoina ma faateleina le amu	8
5.8 Faasa le lauina o le oneone	8
5.9 Faasaina fagotaga ma isi afioaga	9
5.10 Faasaoina togatogo	9
5.11 Ogasami Faasaoina	9
5.12 Iloiloina o le gataifale mo le faafaatoagaina o figota	10
5.13 Unaia faigafaiva i tuaau ma aoaoga mo faigafaiva	11
6. Talosaga	11
7. Faamatalaga e uiga i le afioaga	10
8. Komiti o le Faasao	12
9. Toe iloiloina o Ienei Tusi Taiala	12

1. UPU TOMUA

O le faaitiitia o i'a ma figota i Samoa e afua mai i le anoanoai o mafuaaga eseese. O nisi o nei mafuaaga e aofia ai;

- le tanumia o vaega o le gataifale mo elelele-fou (fanua)
- le soona fagotaina faa-le-tatau o le gataifale e le auaifaiva
- le faaogaina o faigafaiva-le-talafeagai
- ma aafiaga mai i afa malolosi (Ofa 1990, Val 1991, Heta 2004) ua tuanai.

O nei faafitauli o loo tulai mai pea i gataifale o si o tatou atunuu ma o loo avea lea ma auala e faaitiitia ai i'a ma figota. O le faaitiitia o nei tamaoaiga o le sami e faaitiitia ai foi porotini maua (protein) mo le taumafa tatau (taumafa paleni) mo tagatanuu o Samoa. O se atugaluga tele lea i le Malo o Samoa na faapea ai ona faatino nisi o fuafuaga faataatitia e pei ona faailoaina atu i lalo.

O le tausaga e 1988 na pasiaina ai e le Kapeneta le **Tulafono Autu Tau Faigafaiva** e faamalosi ai le (i) laiseneina o vaa-fagota mo fagotaga, (ii) faasaina le faia o faigafaiva-le-talafeagai i ogasami o Samoa. Peitai ane o nei tulafono uma e lei silafia e le toatele o tagatanuu o Samoa i ia vaitaimi. O se tasi o mafuaaga ona o le toaitiiti ma le toagaogao o le auaigaluega. Ae o seisi mafuaga ua talitonu le taofi na faigata ona ausia ai lea tulaga ona e lei iai se polokalame i lea vaitaimi e pei o le Polokalame o le Faasao o le Gataifale mo Nuu ma Afioga. O lenei polokalame e pei ona faatinoina nei, ua fesoasoani tele i le faa-malamalamaina mo le silisfia e le mamalu o le atunuu o ia tulaga.

I le tausaga 1995 na pasiaina ai e le Kapeneta le **Tulafono Faatonutonu e Faatapulaaina ai le Laiti o I'a ma Figota**. O lenei tulafono na pasiaina ma le faamoemoe e tuu avanoa ma fesoasoani i le faasaina o i'a ma figota ua tauau ona mou atu. O le faatapulaaina o le laiti o i'a ma figota e faataga mo le fagotaina ina ia ausia le lapopoa ina ia mafai ona tautuufua ma fanafanau e faatupulaia ai le faitau aofai o le tamaoaiga o le gataifale. O loo faapipiina atu i le pito i tua o le Tusi Taiala se Pepa o Faamatalaga (6) mo faamatalaga faapopo o lenei tulafono.

O **Tulafono Laiti** a nuu ma afioaga ua amanaiaina e le Faamasinoga. O se tasi lea o auala ua tuu sao ai e le Malo le malosi i nuu ma afioaga e mafai ai ona o latou molia i le tulafono soo se tagata e le usitaia tulafono ua aiaia i totonu o le Tusi Taiala a le afioaga o Fagalii Vaimauga i Sasae. O nei tulafono o loo i lalo o le vaega o Tulafono ma Faasalaga o le Tusi Taiala aua le pulea tatau ma le vaaia lelei o le gataifale i tulaga o ona tamaoaiga ma lona siosiomaga mo se lumanai manuia. O tulafono laiti e soalaupuleina ma autasi iai le Pule Mamalu a Alii ma Faipule o afioaga taitasi.

Polokalame o le Faasaina o le Gataifale i Nuu ma Afioga

O le Polokalame o le Faasao na amataina e le Malo e taua mai leai le auunaga a le Ofisa o Faigafaiva i le tausaga e 1995. I le amataga mai la o lenei polokalame sa faapea ona lagolago malosi ai le Malo o Ausetalia e auala ma i lana AusAID i le faa-tupeina mo le 5 tausaga seia oo mai i le tausaga e 2000 ma faamuta ai loa lana fesoasoani. Peitai na e lei faamuta ai i lea tausaga ona sa tauaveina loa e le Malo o Samoa le faatupeina o lenei polokalame taua. I le taimi nei, ua oo atu le aofaiga i le 85 nuu ma afioaga ua faatinoina ai lenei polokalame. Peitai, mai i le 85 lea, e na o le 52 nuu ma afioaga o loo tulai malosi ma faatauina pea lenei polokalame. O le talitonuga ma le faamoemoe autu o le tele o nei afioaga o le silasila lea i le lumanai manuia mo tagata lautele o le afioaga aemaise ai o tupulaga lalovaoa.

O le polokalame o le Faasao e galulue soosoo-tauau iai le ofisa ma le afioaga i nisi o fuafuaga faataatitia aua se lumanai manuia aemaise o le toe faa-tamoaigaina o le gataifale. I le amataina o lenei polokalame e faatinoina ai ni faatalatalanoaga ma vaega eseese o le nuu e pei o le vasega o matai, tina ma taulelea. O nei fefaasoaiga e faailoa mai ai faafitauli o loo faafeagai ma le gataifale o le afioaga. E talanoaina foi aafiaga ma mafuaaga o nei faafitauli ma soalaupule ai ni fofo. Ma sa faapea loa ona soalaupule ai e Alii ma Faipule, tagatanuu o le afioaga ma le ofisa nisi o fuafuaga faataatitia e foia ai nei faafitauli. O se faataitaga o se fuafuaga faataatia a le afioaga i lenei polokalame o le faia lea o se ogasami faasao e faasa ona solia, kolosiina pe fagotaina foi.

O nisi o fuafuaga faataatitia e tele ona faaogaina e afioaga mo le pulea ma le vaaia lelei o tamaoaiga (i'a ma figota) o le gataifale e aofia ai le faasaina o;

- vailaau oona
- fanai
- ava-niu-kini
- tuiga, faamoa, seuga
- i'a ma figota laiti
- upega ma tili mataninii
- lama moli-uila i po

O nisi o fuafuaga o Tusi Taiala i le tele o afioaga mo le pulea tatau ma le vaaia lelei o le siosiomaga o le gataifale e aofia ai le;

- aoina o alamea (crown-of-thorn starfish)
- faasaina o le lauina o le oneone o matafaga
- lafoai o lapisi i le gataifale (matafaga)

O lenei polokalame e taua tele mo le lumanai manuia o Samoa ma ona tagatanuu. O le faaleleia o le siosiomaga ma le faatuputupulaia o le tamaoaiga o le gataifale o se faamoemoe e talitonu e mafai ona faatinoina i o tatou lava lima. E faa-tauaina tele le lagolagosua a le Pule ma le Faamalumaluga a Alii ma Faipule o afioaga i lenei polokalame.

2. AUTU

O le autu lenei sa faatalatalanoaina i le faatalatalanoaga ma vaega taitasi (matai, tina, taulelea) o le afioaga.

1. Ina ia puipui le siosiomaga o le gataifale

2. Toe faatupulaia le tamaoaiga o le gataifale mo tupulaga o le lumanai

3. TULAFONO I ASO UA MAVAE : FAIGAFAIVA-LE-TALAFEAGAI

O le faasaina o faigafaiva-le-talafeagai e pei o fanaia, ava-niu-kini ma vailaau oona o loo faamamaluina ma amanaiaina i le afioaga o Saoluafata. Ae peitai e iai lava nisi i totonu ma fafo atu o le afioaga e leo usitaia ma faamamaluina lenei tulafono taua tele.

O se mafuaaga taua tele e talitonu le pule ma le faamalumaluga o le afioaga ua aliae mai ai lea tulaga ona o le lava o le silafia ma le le-alofa i ia uso-faifaiva o loo faatinoina lea tulaga. E leo toe po se lilo i le afioaga i le ogaoga tele o aafiaga o nei auala faa-faigafaiva i le tamaoaiga aemaise o le siosiomaga o le gataifale. Ae peitai o loo faatinoina lava e isi lea tulaga e aunoa ma se manatunatu ifo i aafiaga nei o loo tulai mai i a latou gaiiiga.

4. TAPENAGA

O lenei tapenaga sa saunia lava e tagata o le afioaga o Saoluafata faatasi ai ma ni fautuaga ma le lagolagosua a le ofisa o faigafaiva.

Feiloaiga Muamua

O le feiloaiga muamua sa faafesootaia e Apulu Sefo Fonoti ia Fepuari 2, 1998. O Fepuari 13, sa tauaofia ai le luai fono a sui o le Ofisa ma le Afioaga mo le faamalamalamaina ma le taliaina o lenei polokalame.

Feiloaiga ma Vaega (Group Meetings)

O vaega sa vaevaeina i ai e aofia ai Matai, Tina ma Taulelea. Sa feiloai nei vaega e tolu ma sui o le ofisa ma faatalatalanoaina ai faafitauli o le gataifale o loo aliae i le afioaga atoa ai ma ni fofu talafeagai e faaono foia ai nei faafitauli.

Komiti Faufautua

O le komiti faufautua na filifilia mai i vaega taitasi (matai, tina, taulelea), latou te molia finagalo faaalua o vaega taitasi i le fono a matai. O lenei Komiti latou te tuu faatasi faamaumauga ma faamatalaga mai i vaega taitasi ma tapenaina ai se ata faataitai o le Tusi Taiala. O lenei Tusi Taiala o loo aafia ai lagona o tagata o le afioaga i le puleaina o faigafaiva ma le siosiomaga o le gataifale.

5. TULAFONO MA FAASALAGA

O tulafono ma faasalaga o ni fua tuaga faataatitia ua faamoemoe e faaono foia ai faafitauli ua faaalua ma faailoa mai e vaega eseese o le afioaga. E lua (2) ituaiga o fuafuaga, ma o le fuafuaga ua aupito sili ona taua o fuafuaga faataatitia e faatinoina e le afioaga.

O nisi fuafuaga faataatitia e faatinoina lea e le ofisa o faigafaiva. O nei fuafuaga e aofia ai le tuuina atu o fautuaga ma fesoasoani nisi auala e pei o mafutaga-faaleaoaoga ma le tufatufaina o pepa o faamatalaga i mataupu e fesootai i le gataifale. O galuega uma lava e faatinoina e le ofisa o faigafaiva e ao ona faamaonia e le faatonu lagolago (Assitant Cheif Executive Officer) a le matagaluega o faatoaga ma faigafaiva.

I taimi o faatalatalanoaga i vaega taitasi, e tele ni mafuaaga sa faailoa mai ae aua lava i le faafitauli ogaoga o le faaititia lea o i'a ma figota i le aloalo ma aau o le afioaga o Saoluafata.

O mafuaaga ma o latou aafiaga i le siosiomaga o le gataifale sa faapea ona iloiloina ma sailia. O tali o faafitauli ma fofo poo auala e foia ai na iloiloina foi i faatalatalanoaga. E le gata i lea sa faailoa mai ai foi ma vaega latou te faatinoina nei galuega.

Ae lei faamatalatala auiliiliina fuafuaga faataatitia a le afioaga na faapea ona autasi iai, e ao pea ona toe faamanino tulafono a le malo o loo lagolagoina lenei faamoemoe.

Tulafono Autu Tau Faigafaiva (1988) : O le tulafono a le Malo o Samoa e ;

- (1) Faasaina o Faigafaiva-le-Talafeagai,
- (2) Faamalosia ai le Laiseneina o Vaa-Fagota.

Tulafono Faatonutonu Mo Le Laiti Faatapulaaina mo I'a ma Figota (1995) : O le tulafono lea e faatapulaaina ai le laiti o i'a ma figota, ma le fuaina o mata-upega.

Tulafono Laiti : O tulafono a le nuu ma afioaga ua amanaia e le Faamasinoga.

O le vaega i lalo o le a auiliiliina atu ai atoatoa fuafuaga faataatitia sa aoina mai i vaega taitasi ma tuu faatasia e le komiti faufautua ma le lagolagosua a le ofisa o faigafaiva.

FUAFUAGA FAATAATITIA

5.1 FAASAINA FANAIA, AVA-NIU-KINI, VAILAAU OONA

O nisi o auala tau faigafaiva ua mautinoa lona tulaga ogaoga i le faatamaiaina o le alititai (amu) ma le tele o meaola o le gataifale. O se faataitaiiga o nei faigafaiva-le-talafeagai o fanaia, ava-niu-kini ma vailaaau oona (chlorox ta-lavalava). Ua le gata i le faaleagaina ai o se vaega tele o le alititai ae ua faapea foi ona faaumiumi se taimi e faapea ona toe faatupuina le tele o meaola ua aafia ma mamate ai. O le alititai o nofoaga ia o meaola laiti o le sami. Afai e mamate amu, ua sosolo ai loa le limulimu ma faapea ona le toe nofoa e meaola laiti o le sami. O lona uiga o le a leai foi ni i'a ma figota lapopoa o le a feoi ai i lea vaega o le gataifale.

Fuafuaga faataatitia a le afioaga

Talu ai ona o le tulaga pagatia ua iai le gataifale, o lea ua a'e ai se finagalo autasi i le komiti ina ia toe faamalosia tulafono a le afioaga sa faia i aso ua mavae, e faasaina ai faigafaiva-le-talafeagai e pei ona taua i luga.

O le puipuiga ma le faamamaluina o lenei tulafono o le a i lalo o le faamalumaluga a Alii ma Faipule faatasi ai ma le lagolagosua a tagata o le nuu. O faasalaga uma foi ua taua, ua faamautuina lava e le komiti ma lo latou manatu ina ia mafai ona utagia e le afioaga.

E fautuaina ai pea le faamalosia ma le faalauiloaina o lenei fuafuaga faataatia poo se tulafono i le mamalu o tagatanuu o le afioaga faapea ma nuu tuaoi.

TULAFONO

Ua matua faasaina faigafaiva-le-talafeagai e pei o fanaia, ava-niu-kini, vailaau oona, faamo'a, tuiga ma seuga ona toe faatinoina i gataifale o Saoluafata.

FAASALAGA

Mo tagata o le afoaga e solia lenei tulafono, o le a tuuina atu i le pule mamalu a Alii ma Faipule ma faataunuaina ai se faasalaga talafeagai.

O soo se tasi (mai isi afoaga) e solia lenei tulafono o le a molia loa i lalo o le Tulafono Autu Tau Faigafaiva (1988) poo le Tulafono Laiti a le afoaga.

5.2 FAASALALAUINA TULAFONO A LE AFOAGA

O faasalalauga i leitiu, televise ma nusipepa o nisi ia o auala talafeagai lelei e faalauteleina ai tulafono a le afoaga. O le a silafia ai e le mamalu o le atunuu, malamalama ma manino lelei i le faatauina ma le puipuia o le siosiomaga o Saoluafata. O le Komiti o le Faasao o le a latou faamaopopoina ma tapenaina faasalalauga o tulafono.

Autu o le Faasalalauga: "Puipuiga o le Gataifale o Saoluafata"

5.3 IA FAASAINA UPEGA MA TILI MATANINII

O le faaogaina o uega ma tili mataninii ua maituina le tele o i'a laiti ua faatamaia ai. Ua i ai le talitonuga o le a oo atu i se tulaga faaletonu i'a maua, pe a faaauaina pea le faaogaina o nei ituaiga o faigafaiva. O le a oo ina faaititia i'a e mafai ona oo atu lo latou lapopoa e maua ai le avanoa e fanafanau ma tautuufua ai.

FUAFUAGA FAATAATITIA A LE AFOAGA

Ua faailoa mai e le Komiti o le faaogaina o uega ma tili mataninii, o se tasi lea o mafuaaga ua faaititia ai i'a maua i le gataifale. Ua faapea foi ona faalia mai e le Komiti lo latou matua lagolagoina o le Tulafono Faatonutonu o le Laiti Faatapulaaina o I'a ma Figota ua iai nei mo le faatapulaaina o mataupega ma tili mataninii.

Ua fautuaina e le Pule Mamalu a Alii ma Faipule atoa ai ma le Komiti le mamalu o le afoaga ina ia lagolagoina le tulafono o uega ma tili mataninii ua pasia e le Malo.

TULAFONO

Ua matua faasaina lava mataupega e i lalo ifo o le 2" (inisi) mo uega tatao ma tili ia le silia ma le 1.2" (inisi) lona mataupega ona toe faaogaina i ni fagotaga i le aloalo o Saoluafata.

FAASALAGA

Mo tagata o le afoaga e solia lenei tulafono, o le a tuuina atu i le pule mamalu a Alii ma Faipule ma faataunuaina ai se faasalaina talafeagai.

O tagata mai isi afoaga o le a molia sao i le Tulafono Autu Tau Faigafaiva (1988) ma le Tulafono Faatonutonu (1995) poo le Tulafono Laiti.

5.4 FAASAINA LE LAFOINA O LAPISI I LE SAMI MA LE VAI

O le lafoai o otaota poo lapisi i le sami, ua avea ma mafuaaga o le faateleina ai o namu, ma manunua ai nisi o le aufaifaiva i atigiapa, atigifagu, ma uamea. Ua faapena ona avea ma punaaga o faamai ma tulai mai foi o se nofoaga le talafeagai mo le ola lelei o ia ma figota i le gataifale.

I lalo o le faamalumaluga a Alii ma Faipule, e fautuaina ai e le komiti o le faasao aiga taitasi o le afioaga, ina ia eliina ni lua i tuamaota ma tualaoa e lafoai i ai otaota ma lapisi . Ua talitonu le komiti o se auala pito sili lea ona saogalemu ma lelei mo le foiaina o lenei faafitauli tau i le lafoaiina o otaota ma lapisi i le gataifale o le afioaga. O lenei fuafuaga e faatinoina e le nuu atoa.

TULAFONO

Ua matua faasaina le toe lafoia o ni otaota ma lapisi i le gataifale o Saoluafata.

FAASALAGA

O tagata o le afioaga e solia lenei tulafono o le tuuina i le pule mamalu a Alii ma Faipule ma faataunuuna ai se faasalaga talafeagai.

O tagata mai isi afioaga e solia lenei tulafono o le a molia sao i Tulafono Laiti a le afioaga

5.5 AOINA LE ALAMEA

O le alamea o se meaola o le ituaiga o le aveau ma e nofo i luga o le aau. O lenei meaola e na te aiina meaola ninii ua taua o polipe o loo tutupu mai ai amu. A oo ina faateleina lenei meaola o le a faapena ona latou faatamaiaina se vaega tele o le aau ma pagatia ai le tele o meaola o loo faalagolago i le aau mo nofoaga ma meaai.

E LE MAFAI ona faaumatia pe tapeina le alamea i le vaevaeina o lona tino i le sami, aua e mafai e nei itu tino ona faatupuina mai ai nisi alamea fou. E pau lava le auala e faaumatia ai lea meaola faalafua o le aumaia i uta i le pau-matu e faamagoina ai pe tanuina ma avea ai ma faalelei-palapala.

Ua faailoa mai e le Afio'aga o le alamea o se tasi lea o mafuaaga o le pe o amu o le gataifale. E le gata i le faatamaiaina ai o amu ae aafia ai foi le soifua o tagata faifaiva, ma ua tuuina mai ai e le komiti se manatu ina ia fatamaia le alamea e ala lea i le aoina mai i uta i le paumatu ma faamagoina ai pe fai ai foi se isi o gaiioiga e tapeina ai.

E talanoaina e le komiti o le faasao i ana fonotaga aso faapitoa ua tasi iai e faatino ai le aoina mai i uta o alamea. E leai se polokalame a le Malo ua fuafuaina e totogi ai le faatamaiaina o le alamea ae peitai e pei ona autasi iai le afioaga i faatalatalanoaga o se tasi nei o faafitauli ogaoga. E mau foi le taofi a le afioaga le lumanai manuia mo le faasao ma le gataifale o le afioaga pe a faatinoina lenei galuega taua.

5.6 FAASAINA TUIGA, FAAMO'A

O amu ua maituina lona taua i le siosiomaga i le gataifale ona ua mautinoa ua avea lea ma nofoaga mo le anoano o meaola o le sami. Afai o le a faatamaiaina amu o lona uiga ua afaina foi le tele o meaola o loo nonofo ai. Tuiga, faamoa ma seuga o nisi nei o ituaiga fagotaga e le talafeagai ua matua faaleagaina ai amu aemaise ai figota laiti. Afai ae faaauuina pea lenei ituaiga faigafaiva o lona uiga o le a sili atu ona tele se afaina o amu o loo fai ma nofoaga (alofaga) o i'a ma figota.

Fuafuaga faataatitia a le afioaga

Na faaalua e vaega taitasi le tatau ona faia o se tulafono e faasaina ai tuiga, faamoa ma seuga i le gataifale o Fagalii aua ua mautinoa le faaleagaina ai uma ma meaola ninii o le gataifale. Ua matua lagolagoina e le komiti lenei tulafono

Tulafono

Ua matua faasaina ona toe faatinoina tuiga, faamoa ma suega i gataifale o Saoluafata.

Faasalaga

O le tagata o le afioaga o le a solia lenei tulafono o le a tuuina atu i le Pule Mamalu a Alii ma Faipule e aiaia ai se faasalaga talafeagai.

O tagata mai isi afioaga o le a molia i le Tulafono Autu Tau Faigafaiva (1988) poo le Tulafono Laiti a le afioaga.

Fuafuaga faataatitia a le ofisa

O le a fesoasoani le ofisa i le faia o lipoti tusitusia e tuuina i le Faamasinoga mo le moliaina o i latou e solia lenei tulafono. O le a fesoasoani foi le ofisa e faamalamala atili le faatinoina o ia vaega i le afioaga.

5.7 IA FAASAOINA MA FAATELEINA LE AMU

O le puipuia ma le faasaoina o amu o se tasi lea o auala ua mafai ona toe tutupu ma ola ai amu. O le faateleina o amu, o se itu lelei lea mo i'a ma figota aemaise meaola ninii o le gataifale o loo faalagolago mo meaai ma o latou nofoaga. O le faia o se ogasami faasaoina ma le taofia o faigafaiva-le-talafeagai, o nisi ia o fuafuaga tatau ma talafeagai mo le faateteleina o amu.

Fuafuaga faataatitia a le afioaga

Ua faalia e le komiti o le a faia se ogasami faasaoina o se auala lea ua mautinoa e mafai ona faasao ma faateleina ai amu. O lenei faasao o le a faatinoina e le komiti faapea Alii ma Faipule. O le vaaia lelei ma le mataituina o lenei faasao o le a feagai lea ma tagatanuu o le afioaga.

Fuafuaga faataatitia a le ofisa

O le a fesoasoani le ofisa i le faamalamalamaina o itu lelei o le faasaoina o amu ma tufaina atu foi ni pepa o faamatalaga e faalauiloa atili ai lenei mataupu.

5.9 FAASAINA FAGOTAGA MAI ISI AFIOAGA

O fagotaga mai isi afioaga e faaaogaina ai faigafaiva e le talafeagai e iai ava niukini, fanaia ma vailaau oona ua mautinoa le matua faaleagaina ai o le siosiomaga o le gataifale. Ua le gata i lea, a ua faaititia ai i'a ma figota o loo manaomia e tagata o le afioaga mo taumafa.

Fuafuaga faataatitia a le Afioaga.

Ua faalia mai e le komiti le tatau ona faia o se tulafono e faasaina ai nei faigafaiva-le-talafeagai. O le autu moni o lenei tulafono ona o nei faigafaiva mai isi afioaga o loo aumaia faigafaiva-le-talafeagai ma faatinoina i lo tatou gataifale ma faaleagaina ai.

Tulafono

Ua matua faasaina lava tagata fagotaga mai isi afioaga ona faatinoina faigafaiva le talafeagai e pei o fanaia, ava-niu-kini, vailaau oona, tuiga, faamoa'a poo nisi lava faiva le talafeagai i le gataifale o lenei nuu

Faasalaga

O i latou uma e solia lenei tulafono o le a molia i le Tulafono Autu Tau Faigafaiva (1988) ma Tulafono Laiti a le afioaga

5.10 FAASAOINA TOGATOGO

O togatogo o se tasi lenei o vaega ua tele sona sao i le gataifale mo le toe faatupuina o nisi o i'a ma figota. O le taua o le faasaoina o togatogo ona o nisi meaola ninii o le gataifale ua avea lea nofoaga ma vaega e sulufai i ai mai o latou fili, a o nisi iua avea togatogo ma nofoaga e fanafanau ma tautuufua ai. A tanumia pe taina i lalo ma faaleagaina togatogo o lona uiga o le a faaititia i'a ma figota mo tupulaga o le lumanai.

FUAFUAGA FAATAATITIA A LE AFIOAGA

Ua ioeina e le komiti le tatau ona faamalosia o le faasaoina o togatogo ona le fia faasaoina pea o i'a ma figota ma isi meaola o loo avea lea vaega ma nofoaga e fanafanau ai. O togatogo o nofoaga ia e lalafi ma mapu iai le tele o i'a laiti mai i o latou fili. O otaota foi ma i lau laau o togatogo o se tupuaga lea o minerale, ma isi anoano o meaai mo nei meaola laiti. O le faasaoina o lenei togatogo o loo faamamaluina e le pule mamalu a Alii ma Faipule.

FUAFUAGA FAATAATITIA A LE OFISA

O le a tuuina atu e le ofisa ni pepa o faamatalaga e faatatau i le taua ma le aoga le Togatogo e faamalamalama atili ai lenei mataupu.

5.11 OGASAMI FAASAOINA

O se vaega o le gataifale ua faasaoina e tatau ona le toe aafia i ni faigafaiva. O le avea se vaega o le gataifale ma vaega faasao, e ao ona aafia ai le malu puipuia o le siosiomaga ma ona tamaoiga i figota ma i'a.

O lenei vaega faasao le a faasaoina ai amu, aau faapea foi ma i'a ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea lenei faasao ma punaaga o i'a ma figota e mafai ai toe faaleleia nisi vaega le gataifale ua afaina. O le a fanafanau ma tautuufua i'a ma figota o loo aumau i le vaega faasaoina ma tafea atu o latou fuafanau ma faatupuina ai nisi meaola fou i nofoaga ua le maua ai ni i'a ma figota. O le a le pine ona manuia ai i tatou ae faapea foi tupulaga o le lumanai.

FUAFUAGA FAATAATITIA A LE AFIOAGA

- Galulue faatasi ma le lagolagosua i le ofisa i le iloiloina o se vaega talafeagai o lona gataifale e avea ma vaega faasaoina.
- Talanoaina ma auiliilina le lipoti ma ia faia se faaiuga i le faavaeina o le ogasami faasaoina.
- Faatinoina le mataituina, tausiga ma le vaaia lelei o le ogasami faasao.

FUAFUAGA FAATAATITIA A LE OFISA

- Faatinoina le iloiloaga o le tulaga o se vaega o le gataifale e avea ma vaega faasaoina.
- Saunia le lipoti mo le tuuina aloaia atu i le komiti o le Ofisa ma le Fono.

5.12 ILOILO LE GATAIFALE MO LE FAafaatoagaina O FIGOTA

O le tufaina atu ma le faafaatoagaina, ua faatatau lea i le auina mai o ni figota poo ni i'a mai isi atunuu ma tufaina atu e faaola i se ogasami ua talafeagai. O le faafaatoagaina ua faatatau lea i le faaolaina o figota i se nofoaga ua saunia. O nisi nei o atinae mo le faatupuina o figota aua le toe faaolaina i se ogasami ua talafeagai lelei.

Faamatalaga faaopopo : Tofaina o Figota

O le tufaina o le aliao i le tele o atunuu o le Pasefika ua mautinoa ai le tele o ni faamanuiaga na mafai ona seleseleina e nei atunuu. I Fiti, na mafai ona toomaga i ai tagata i le aano o le aliao e avea ma mea taumafa. O lona atigi na mafai ona faatauina atu e gaosi ai faamau o ofu i fale gaosi mea. I le Atu Kuki e tusa ma le 280 aliao na tufaina atu i ai ma na mafai ona maua mai ai se aofaiga e tusa ma le 200 tone o atigi aliao i lea tausaga na faatauina i fale gaosi faamau. I le 1990 na tufaina atu ai i sami o le motu o Namua i Aleipata le 400 aliao, ma e le 0 mai iloa tonu le tulaga ua oo i ai nei aliao.

I le tele o vaega o le aloalo ma aau o Samoa o loo maua ai figota e pei o le pae, asi ma LIe tugane. O nei figota ua mautinoa lo latou faaitiitia talu ai o le soona fagotaina e tagata mo taumafa ae ua faapena foi ona faatamaiaina o latou nofoaga e afa malolosi. I le tele o nofoaga ua le toe maua ai nei figota, pau le faamoemoe o le aumaia lea o ni figota mai nisi atunuu ma tufaina atu i ai aua le faaolaina i nei vaega o le gataifale.

Fuafuaga faataatitia a le afioaga

- Galulue ma le aufaigaluega a le ofisa i le faatinoga o le iloiloga pe talafeagai ma lelei le gataifale mo le faafaatoagaina ai o figota.
- Auilliliina o le lipoti i suesuega o le talafegai o le gataifale, ma ia faia se faaiuga i le fatinoina o nei atinae i totonu o Saoluafata.
- Galulue faatasi mo le puipui o nei atinae ma le vaaia o tagata o loo latou faatamaiainama solia tulafono e faatau i nei atinae.

Fuafuaga faataatitia a le ofisa

O le a oo atu se alii ofisa mai le vaega suesue, ma suesueina le gataifale o le afioaga, ina ia faamaonia le talafeagai mo le faaolaina ai o ni figota. O le a mafai ona tuuina atu ni figota pe afai o le a faamaonia le talafeagai o nei nofoaga mo ia atinae.

- Fesoasoani mai le ofisa e ala lea i le vaaia ma le mataituina o le sologa lelei o le tuputupu ae o figota.
- Saunia ni aoaoga mo le faamalamalamaina o olaga faanatura o nei figota.

5.13 UNAIA FAIGAFAIVA I TUAUU MA AOAOGA MO FAIGAFAIVA

E mafai ona faaleleia le tamaoaiga o i'a ma figota maua i aloalo, aau ma vaega o le gataifale ua faaleagaina, pe afai ae faaititia le fagotaina o nei vaega o le gataifale. O se tasi o auala e faaleleia ai le tamaoaiga o le gataifale, o le fagotaina lea o ogasami e lei fagotaina lava, aemaise o tuaau mamao.

Fuafuaga faataatitia a le afioaga

Ua iai le talitonuga i le komiti e ao ona unaia ma faamalosia faigafaiva i tuaau ma aau mamao ina ia tuumamaina ai le fagotaina o i'a ma figota o le aau ma le aloalo. Ua le gata foi ilea ae o le a mafai ai ona toe faatupulaia ma faaleleia ai le tamaoaiga o le tele o vaega o le gataifale, aemaise i le aloalo, ua faaleagaina. Ua talosagaina foi le ofisa ina ia faatinoina se aoaoga i auala tau faigafaiva e aoaina ai le autautai o le nuu ma ia faatautaia e se alii ofisa o loo iai le tomai faapitoa i mea tau faigafaiva.

Fuafuaga faataatitia a le Ofisa o Faigafaiva

Talu ai ona o le tele o nuu e leai ni vaa e talafeagai mo fagotaga i tuaau, o lea ua taumafai ai le ofisa e saili fesoasoani mo le faafaigofieina o le mauaina o ni vaa talafeagai mo lea faamoemoe. O le a iloiloina foi e le oisa o manaoga i auala e aoaina ai i mamalu o le autautai o le afioaga.

E aofia ai i nei aoaoga le teuina ma le vaaia lelei o i'a i luga o le vaa, saogalemu o le aufaifaiva i luga o le sami, tausiga o afi vaa, faasuina o i'a, ma isi lava mataupu taua.

6. TALOSAGA

O nei talosaga sa mafai ona tuuina mai e sui o le afioaga, sa auai i fonotaga ma le ofisa i taimi o faatalatalanoaga i vaega e tolu. O talosaga uma foi la ua tuuina mai sa faamautuina e le komiti i le latou fonotaga ma le ofisa. Pe a talafeagai, o nei talosaga o le a mafai ona iloiloina e le ofisa mo le faataunuuna. O talosaga uma sa tuuina mai o loo faailoa atu i lalo.

- Faisua
- Ogasami faasaoina.
- Vaa fagota (2)
- Tilapia ma se faatanoa vai (mo le tilapia)
- Aoaoga i mea tau faigafaiva. (faaitaiga: aoaoga i Ie olaga faanatura o le faisua.)

7. FAAMATALAGA E UIGA I LE AFIOAGA

O nei faamaumauga e pei ona faamatalalaina atu i lalo na aoina mai i le tausaga e 1998 i le faatoa faatinoina o le polokalame i le afioaga o Saoluafata, Anoamaa Sasae.

O le faitau-aofai o le afioaga e mai le 500 i le 600 tagata. E tolu aoga o loo i totonu o lenei afioaga, o le

Aoga Faataitai, Aoga Tulaga Lua ma le Aoga Mauuluga Faaitumalo . E tasi le ekalesia i totonu o lenei Afoaga na o le EFKS.

Foliga faa-le-natura o le gataifale ma lona siosoimaga

O le umi o le aau o le afoaga (mita)	500
O le mamao o le aau mai le matafaga (mita)	150 - 400
O le loloto o se vaega aupito sili ona looto o le aloalo pe a pe le tai i le taimi nei. (futu)	3 ½
O le loloto o vaega e aupito sili ona loloto o le aloalo pe a pe le tai i taimi ae lei afaina i afa. (futu)	6 - 7

Faamatalaga faa-faigafaiva

O le faitauaofai o tane faifaiva e fagogota i le sili atu ma le tasi le aso i le vaiaso	15-20
O le faitauaofai o tina faifaiva e fagogota i le sili atu ma le tasi le aso i le vaiaso	5-10
O le aofaiga o tagata e fagogota i tuaau mai le tasi le aso i le vaiaso	1-5
O le aofaiga o paopao e faaogaina mo faigafaiva i totonu o le afoaga nei	1-2
O le aofaiga o alia fagogota o loo faaogaina mo faigafaiva o le afoaga nei	■■■■
E faatagaina ni tagata fagogota mai nisi alalafaga e fagogota i lo outou gataifale?	Ioe

Ituaiga ia/figota	Ituaiga Faigafaiva	Taimi faaalu mo le tasi le tauia/10 ia fou(hrs)	
		Taimi nei	10 tausaga ua tea
I'a maua soo (se 5)			
1. Anae	Upega	4-5 itula	1itula
2. Pone	Mata/Fana	4-5 itula	1 itula
3. Alogo	Mata	2 itula	1itula
4. Mataleele	Upega/Lama (Po)	4-5 itula	1itula
5. Aua	Tili/Upega	4-5 itula	1itula
Figota maua soo(se 3)			
1. Tuitui	Fao tuitui	30 minute	10 minute
2. Savae	Fao Savae	20 minute	5-10 minute
3. Gau	Tolo Gau	< 1 itula	1/2 itula

Isi Faigafaiva	Isi Taumafa o le sami	Taimi faaalu mo le /10 mea ua taua (hrs)
1. Matau tatao	Tuitui (ato)	-----
2. Mata tilotilo	Faisua	Seasea
3. Seuseu	ula	4-5 itula (1)
4. Uaua Malau	paa (kuku)	1-2 itula
5. Ofē vili	sea	1 itula (1 fagu)

VAEGA TAUA O LE SIOSIOMAGA MO FAIGAFAlVA		
Vaega	Vaega Taua (sikuea mita)	
	Taimi nei	Sefulu tausaga ua tea
Togotogo	< 100 mita	300-400 mita
Amu	100-200	300-400 mita
Vaovao o le sami	500mita	500 mita

8. KOMITI O LE FAASAO

Komiti Matai

Pulenuu : Vaivao Tusigaigoa
 Telea Seuteni
 Aigamaua Feleti
 Taamai T Masunu
 Aigamaua Sola
 Mulitalo F Faletui
 Fue Peepee Vaa

Komiti Aumaga

Faamao Tapito
 Paleaaesina
 Sefao
 Alii Faalogo To'ovai

Komiti Tina

Sisavaii Ioapo
 Sasa Miletini
 Poto Ti'i
 Solonaima
 Failele Fatu
 Lafalafa Mataafa Papo

Sui o le Ofisa o Faigafaiva

Ueta Faasili	Faatonu Lagolago o Faigafaiva
Dr Michael King	Taita Polokeki Faigafaiva Polokalame Fesoasoani Ausetalia
Siamupini Iosefa	Sui Ofisa Sinia Faigafaiva
Lyn Lambeth	Tamaitai Ofisa Faigafaiva (Upolu)
Apulu Fonoti	Alii Ofisa mo le Va Fealoai ma Nuu ma Afioga
Autalavou Taua	Alii Ofisa o Faigafaiva
Voli Sooaemalelagi	Alii Ofisa Lagolago Faigafaiva
Tauvae Sua	Alii Ofisa Lagolago Faigafaiva
Kaisara Liu	Alii Ofisa Lagolago Faigafaiva
Susau Siolo	Tamaitai Ofisa Lagolago Faigafaiva
Iulia Kelekolio	Tamaitai Ofisa Lagolago Faigafaiva

9. TOE ILOILOINA O LENEI TUSI TAIALA

O lenei Tusi Taiala e taua lona toe iloiloina mai i lea taimi i lea taimi. O lenei galuega ina ia mafai ona faatino pea ni fesuiaiga e finagalo ai le komiti aemaise o Alii ma Faipule o le afioga. E mautinoa lava o le a iai ni suiga mai i lea tausaga i lea tausaga.

O le mafuaaga e taua ai le toe iloiloina o le Tusi Taiala ona o se avanoa lelei lea e toe talatalanoa ai le sui o le ofisa. O lenei avanoa e mafai ai ona faailoa mai nisi faafitauli ma tulaga eseese o loo feagai ma le komiti e uiga i le polokalame e mafai ona faasoa atu ai le ofisa i ni fautuaga ma nisi auala e fesoasoani ai.

KOMITI O LE FAASAO O LE GATAIFALE



Laina i Tua: Afesulu Papu (Failautusi), Aloau Aukuso (Pulenu'u), Talatāina Fogāvini,
Taiafu Penaia, Suasolomai Fouina, Pimoe Pou, Vivi Ta'amai
Laina i Luma: Faamanatu Telea, Suiai Afesulu